



21734

scus.

III

Mag. St. Dr.

P

*Artenoki Raph. Casim. Vindex elegus.*

PANEG. et VITAE

Polon. Fol.

*Nº 1133.*



Biblioteka Jagiellońska



stdr0000209



V I N D E X  
E L E G V S.  
P I I S S I M I S M A N I B V S

*Clarissimi olim & Excellentissimi Domini,*

D. M. FRANCISCI  
R O L I N S K I,

Philosophiæ & Medicinæ Doctoris, ac Professoris

CONSVLIS CRACOVIENSIS,

Virtute, Prudentiâ, eruditione, summè  
conspicui Viri,

D V M

IN ECCLESIA COLLEGIATA SS. OMNIUM

*iusta ei, funebri apparatu, magno cum dolore omnium,  
persoluerentur,*

ad conseruandam Nominis & Meritorum eius memoriam,

A

M. RAPHAELE CASIMIRO ARTENSKI, LOVICIEN.

*Novodvorskiano Rhetorices Professore, Contubernij Philo-  
sophorum Seniore,*

LUCI PUBLICÆ

CONSECRATVS.

Anno Domini, 1674. Die 17. Iulij.

CRACOVIÆ, Typis Vniuersitatis.

BIBLIOTH. HIST.





EXCELLENTISS: AC DOCTISSIMO DOMINO,  
D. FRANCISCO  
ROLINSKI,

Artium Magistro & Philosophiæ Doctori,

*Clarissimi olim & Excellentissimi Domini,*

D. M. FRANCISCI  
ROLINSKI

Philosophiæ & Medicinæ Doctoris ac Professoris, Consulis  
Cracouiensis, Filio carissimo.

S. P.



**I**NDEX fama perennis, atq; tam ingenti meritorum Virtutumq; multitudine, Magni Parentis Tui Excellentissime ac Doctissime Domine, partam nominis celebritatem, Elegus hic meus, ad sempiternam apud posteros memoriam promouens, tanto conuenientius in conspectum Tuum venit, quanto iniusius reperiretur, dignissima pectoris decora sileri. Quamuis enim sola sepulchri nescia sit Virtus, & vis innata quadam benè gestis quibusvis apud rerum aestimatores, digna eleuari, digna erigi, digna vigere in hominum recordatione iudicetur, quamuis grauissima venerandaq; canities pie Defuncti, propter suam in omnes profensionem, in omnium perennet animis, omnino tamen fateri opus est, Te vindicem claritatis paternæ futurum. Dùm in florentissimo ætatis Tuae delicio, præclaris ingenij dotibus, ea omnia, quibus, in eruditione solida, in consumata sapientia, in Virtutum compendio, quiq; clarissimi Viri, ad summum gloriæ peruenere culmen & Philosophicis, & Oratorijs, integrè sedulum deuouendo pectus exercitationibus, continuo adiungis. Quæ inchoata tui animi decora, spem haud dubiam faciunt, Te, cum Paternis insistas Vestigijs, non tantum Virtutum & vitæ laudabilis recordationem, sed etiam viuam eius in Te imaginem expressurum. Accipies ergo Vindicem hunc Elegum eâ gratiâ, quâ paternum decus debet apud Te esse gratissimum. illumq; tanti Parentis Filio dignum esse censebis, vt posthuma secula agnoscant, Te eximia indole, & Virtutum Paternarum imitatione, nomen eius immortale ab obliuione Vindicisse.



# VINDEX ELEGVS.

**E**V nimis afflicto, non quidquam flexa dolentum  
Corde, nec á furijs trux Libitina tuis  
Pasta manens ynquam! luctu nec mitior inde,  
Quamuis vna habeat funera mille dies!  
Non adeò nostræ, cessant maduisse tepenti  
Imbre genæ, tractu quem pluit hora breui.  
Rostra truci nobis, properas inuadere rostro,  
Ah nimiumque frequens vis tua falce nocet!  
Cæca ruis quando, ruat vt præclara Medentùm,  
Quæ modò sæuitiam passa propago tuam.  
Doctorem violenta caput sublime tulisti;  
Hæc magnum rursus tollis ab arte caput,  
Et Phœnice Viros, Doctores luce **R O L I N S K I**  
Exspolias, Urbem Consule, speque simul.  
Hinc animos sternis mœrore, nouumq; priori,  
Non benè compacto vulnere, vulnus alis.  
Et quia nunc damnum non parcens Parca relinquis,  
Vis & ad insontes conglomerare mala.  
Tristia diffundis lessu per membra liquenti  
Tædia, quæ semper sine carere puto.  
Illicet antidoti salubris dolor abnuìt vsum,  
Quem ciet extincti vis & amoris alit.  
Sed tamen ausculta, feretro quæ allidere tantum.  
Scis, casu tristes, vt crucientur eo.

Alli-



Allisum gestis viuendi fine teneri,  
Tristitiæ viuos obsidione premi.  
Triste (fatemur enim) genuisse sub ictibus hisce,  
Est nobis, tantos cordoliumq; mori.  
Atque Viri meritæ, quoniam mærente perennant  
Virtutes, ideò pectore nulla manent  
Gaudia; sed veluti duro cùm verbere fixa  
Cerua luco, patiens vulnens ima, volat.  
Mens gemebunda graui Doctoris saucia morte,  
Flensq; cupressiferum permeat illa nemus.  
Ingeminatq; : mihi fudit qui balsama quondam,  
Nunc abit, & miseræ nigra cupressus erit.  
Ergò putas nobis demi solatia cuncta  
Et lachrymis, penitus iam perijsse Virum.  
Te, iactasque ferox, adeò spoliasse trophæis,  
Restet vt huius vitæ, trux Libitina, nihil.  
Falleris. aut vitæ sublato ianua nunc es,  
Aut meriticapies, corpore pasta, nihil.  
Viuit is, & melius, cælo gratissimus, atque  
Clarus in Orbe, proin fama perennis ei.  
Nam lachrymæ facient illam durare, piorum  
Aonijs, doctæ Pimpleidesq; metris,  
Ornat eum pietas, olim quam Pallas habebat  
Auxilium, summis dotibus ingenij.  
Peruigiles adeò cinxit solènniter illi,  
Sudores, ornans Laurus Apollinea:  
Possset vt è multis dici, quòd Pallas in vnum,  
Omne Togatorum conglomerauit opus.  
Per Cathedras dilexit eum Neleius, ore  
Ambrosio, dulci nectare, sermo fluens:

Argu-



Argutè quo multa Sophis, arcana Stagyræ  
Pandendo teneris, luxq; decusq; fuit.  
Exactè Physices munus iam corde gerenti,  
Et benè callenti, quod Zephyritis habet,  
Artis Pæoniæ perfectè gratia fauit,  
Suasit & Hesperijs, clarius esse, locis.  
Inde fuit Latij tanto dilectus amore,  
Doctorum gremio clarus & ille Pado.  
Vt Podalyrius antiquis, licèt omne tulisset  
Ingenij specimen, quando iuuabat ope:  
Phyllirides Chiron, Amithaoniusq; Melampus,  
Et quamuis celebres semper in orbe forent:  
Ponè sequi tamen hi mallent, ex ordine, summum  
Hunc agnoscentes ordinis esse caput.  
Emensus lustrum tandem, gratissima nostris  
Portio dum redijt mox, laribusque decus:  
Galenus Lechi Medicorum in honore recenti,  
Susceptum properè sede lubensq; locat:  
Inq; Togatorum numero gaudente recenset,  
Consulis augustæ nomen & Urbis habet.  
Sic dum iam desiderium completur, vt ista  
Auge sit is, populi commoditatis amor;  
Galenus Cathedræ iubar, hanc aspeximus ipsi  
Caniciem, Cracijs auxiliumq; malis.  
Iuris ytramq; adeo medijs stabiliuit, vt illa  
• Solus debuerit subdere Consus ei.  
Nobile pignus enim, regalia Sceptra gubernans,  
Magno Rectoris nomine digna suo:  
Inclyta Parnassi toties defendit, & omni  
Iura salutifero munere, rexit amans,

Quis



Quis numerâsse vices? quibus electumq; Senatum  
 Ornans, in misera plebe leuabat onus.  
 Plenus ab inde Megistanumq; fauoribus auctus,  
 Carus erat cunctis ex probitate sua.  
 Regibus illius prudentia nota, fidesque,  
 Mente simul virtus in sapiente manens.  
 Quis mage contendit famæ tot passibus? & quis  
 Sydereum melius scandere posset iter?  
 Est dolor, est fateor, penetraq; medullitus omnes,  
 Queis frugi meritis desijt esse suis.  
 Ast opus & fatis pariter concedere quidquam,  
 Tristibus vt cogit collacrymare dolor.  
 Gemma virum tandem cælo quod Viuat, ouantes  
 Esse decet; miseris commoda flendo mori.  
 Dente nec insultes Lachesis truculenta minaci,  
 Amplius & nunquam te nocuisse crepes.  
 Nam licet occubuit, licet est in puluere flos hic,  
 Actibus egregijs semper vbiq; viret:  
 Quos probitate sua Viuorum pectore sculpsit,  
 Finis vt hic, Vitæ semper origo foret.









